

Upernaakkut 2017-mi ataatsimiinnissamut ilaqutariit pissakinnerusut akunnattumillu aningaasarsiallit nammineerlutik illutaarsinnaanerat pillugu Naalakkersuisut suliniuteqaqqullugit inatsisartut aalajangiiffigisassaattut siunnersuut

(Inatsisartuni ilaasortaq Anthon Frederiksen, Partii Naleraq)

Akissuteqaat

(Ineqarnermut, Sanaartornermut Attaveqaqatigiinnermullu Naalakkersuisoq)

Aappassaanneerpeqarnera

Naalakkersuisut sinnerlugit Sanaartornermut Ataatsimiititaliaq isumaliutissiissuteqarnerani qutsavigaara.

Ineqarnermi suliniutinik saqqummiussisoqarnissaanik, aammalu suliniutit pioreersut katersorlugit saqqummiussisoqarnissaanik kissaateqartoqartoq Naalakkersuisut maluginiarpaat. Aamma suliniutit pioreersut innuttaasunut naammattumik saqqummiunneqarsimangitsut Ataatsimiititaliamit oqaatigineqarpoq.

Paasititsiniaanermi suliniutit pitsaanerulersinneqarsinnaanerinut Naalakkersuisut isumaqataapput. Taamaattumik Ineqarnermut, Sanaartornermut Attaveqaqatigiinnermullu Naalakkersuisoqarfik maannarpiaq quppersakkamik, periarfissat assigiinngitsut allattorsimaffiannik suliaqarpoq.

Quppersakkap aasaanerani saqqummersinnaanissaa agguanneqarsinnaanissaalu pilersaarutigineqarpoq. Innuttaasut periarfissanik assigiinngitsunik ilisimasaqarnissaat, taamaalillunilu periarfissat atorneqarsinnaanissaat pingaaruteqarmat Naalakkersuisunit isumaqatigineqarpoq.

Tamanna tunngavigalugu aalajangiiffigisassatut siunnersuut tapersernejassasoq Naalakkersuisunit inassutigineqarpoq, taamatullu oqaaseqarluta ataatsimiititaliaq isumaliutissiissuteqarneranut, immikkoortumillu pilersitsiviulluartumik suliaqarneranut qutsavigeqqippara.